


Эрнст Бегматов



Эрнст Азимович Бегматов 1936 йилнинг 7 июлида Наманган областининг Тўрақўрғон районида педагог оиласида туғилди. Ёшлик йиллари Жанубий Қозоғистон областининг Туркистон районидаги Отабий қишлоғида ўтди. У 1954 йилда қишлоқдаги 5-ўрта мактабни, 1959 йилда эса А. Навоий номидаги Самарқанд Давлат университетининг филология факультетини тугатди.

1959—60 йилларда Самарқанд областининг Пойарик районидаги 53- мактабда ўзбек тили ва адабиётидан дарс берди. Кейинчалик Тошкентга келиб, 1961 йилнинг июль ойигача ЎзССР «Ўқитувчи» нашриётида ишлади. 1961 йилда Ўзбекистон ССР Фанлар академиясининг А. С. Пушкин номидаги Тил ва адабиёт институтининг ҳозирги замон ўзбек тили секторига кичик илмий ходим бўлиб ишга ўтди.

У 1965 йилда таниқли олим Фахри Камолов раҳбарлигида «Ўзбек тили антропонимикаси» деган мавзуда кандидатлик диссертацияси ёқлади.

Эрнст Бегматов киши номларининг маъноларини аниқлаш, имлосини тартибга солиш каби муҳим проблемалар устида самарали меҳнат қилаётган тадқиқотчилардан саналади. У ҳозир А. С. Пушкин номидаги Тил ва адабиёт институтининг нутқ маданияти секторида катта илмий ходим бўлиб хизмат қилган.

- 1959** Ҳозирги замон ўзбек тилида лексик синонимлар. «Сборник студенческих работ УзГУ», Новая серия, вып. 2, Самарканд.
- 1962** Киши номларининг маъноларига доир. «Ўзбек тили ва адабиёти масалалари» журнали, 6-сон, Тошкент.
- 1965** Антрополоксемалар ҳақида. «Ўзбек тили ва адабиёти» журнали, 2-сон, Тошкент.
Номлар ва одамлар. «Фан ва турмуш» журнали, 1- ва 3-сонлар, Тошкент.
Киши номларининг отлашиш йўли билан юзага келиши. «Тилшунослик ва адабиётшуносликка оид тадқиқотлар», тўплам, Тошкент.
Ўзбек антропонимикасининг лексик-семантик хусусиятлари. Юқоридаги тўплам, Тошкент.
Ономастик сўз яшаш масалаларига доир. «Ўзбек тили ва адабиёти» журнали, 3-сон, Тошкент.
Киши номлари ҳақида. «Ўзбекистонда ижтимоий фанлар» журнали, 7-сон, Тошкент.
- 1966** Ундовлар. «Ҳозирги ўзбек тили», Тошкент.
Тасвирий сўзлар. Юқоридаги китоб.
Адабий талаффуз маданияти.
Ўзбек исмлари имлоси.